



Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

Пренумерата в краю:

30 грошей місячно,
80 „ „ квартално,
1.50 „ „ полрочно,
3 зл. рочно.

В Америкі: 1 дол. рочно.

В Чехословакии:
2 кор. місячно, 10 кор. полрочно,
20 кор. рочно.

Ціны оголошень:

Ціла сторона 120 зл., $\frac{1}{2}$ сторони 60 зл., $\frac{1}{4}$ сторони 35 зл., $\frac{1}{8}$ стор. 20 зл., $\frac{1}{16}$ стор. 10 зл.; оголошення малы за 1 мм. 20 гр., в тексті 30 гр., перед текстом 40 гр. При місячном и долгом оголошеню значна знижка.

Конто чекове Нр. 404.155.

Присмотр над сельскыма дітьми.

Серед ріжних болячок села, одна с найбільше пекучих ест zorganizовати належито присмотр над малыма дітьми. Старши с родини идут до поля на роботу, а діти, або влечут ся за нима и перешкаджают им в роботі, або, што планше, остают дома без присмотра и волочат ся по публичных дорогах. Килько то несчасть, килько каліцтв, килько пожаров повстало лем через того, же діти бавили ся самонас, без догляду и опеки.

Кромі того дітином на селі никто ся не опекуе. Застудит ся дітина, або занеможе, отец не кличе лікара, а здае ся на милосерде Всевышного и жде, коли то перейде. И трафят ся, же хворота переходит, але часто биват и так, же дітина клюсіе и вмерат.

Процент смертельности дітей ест у нас застрашающий. Кромі того на дневном порядку встречат ся діти недорозвинены физично и умственно, хворовити, карловаты. Сут то природны результаты недогляду дітей и их недостаточного кормленя.

Для противдїйствия тым шкодливым явлениям потреба доконче zorganizовати присмотр над дітьми и их выхованем. До основных форм того догляду над дітином належат: для дітей наймолодших — кружки опеки над матерю и дітином, (в больших осередках также приюты для дітей), для дітей старших — дітячи садкы.

Дітячи садкы повинни обняти всі діти от трьох до 7-ох літ. Могут они отограти велику ролю, не лем яко осередок, дающий дітині zorganizованный догляд выховавчий, але также будут мати вплив на старших, в першой мірі на матери.

А с точки интересов дітины — дітячий садок ест просто конечный, приспінат он умственно розвите дітины и облегчат ей погодивше науку в школі.

У нас, на жаль, нїт належитого зрозумленя для той важной справы. На цілой Лемковщині нїт ани одного села, где бы постоянно был ведены дітячий садок. Лем в гдеяких,

рідких селах (Вороблику Корол.) ведено дорывчо дітячи садкы, котры дали барз добры результаты.

А преця сут по наших селах и богаты читальні, распоряджаючи выстарчаючима на

тоту ціль капиталами. Их обовязком ест в першой мірі основати у себе дітячий садок, бо головным кличем тых читалень ест клич: „учи ся“. Клич тот буде найкористнійше выполненный, коли будут учити ся діти, тота надежда и будучность каждого народа.

—оОо—

В справі неділення сельских господарств.

Бесідуючи о комасации сельских грунтов, слышит ся часто, же комасация не дае požаданых результатов, бо за якыйси час грунт буде на ново порозрванный через его поділ помеже своих дітей.

Штобы до того не допустити, а властиво, штобы не было занадто малых сельских господарств, появляють ся часто голоса в газетах, домагаючи ся закона, котрый бы боронил ділити сельске господарство помеже своих дітей.

В голосах тых выбивають ся противоположны жадаия. Одны жадають, штобы не ділити жадного сельского господарства, хоц бы оно было и велике, а други хотят, штобы установити нижну границу сельских господарств, низше котрой жадно господарство сойти не може.

В першом случаю не можна бы поділити и 50 гектарового сельского господарства помеже двох сынов, хоц на 25 гектарах грунту можна ище барз добре господарити. Такой проект подал в Сеймі посол Бартчак.

В другом случаю такое господарство могло бы быти поділене, а не можна бы ділити лем таких сельских господарств, котры, поділены, дали бы господарства о пространстві землі, меньшом як 7 гектаров.

Проект такого закона мае на ціли охоронити сельскы господарства перед надмірным их роздробленем. Закон такой безпорно ест потребный, бо уж и тепер ест по селах много таких господарств, котры не сут в силі выкормити родини. Але с другой стороны напмарят ся пытане, што зробити со всіма ты-

ма, котры не достанут грунту по своем отци, бо грунт не може быти поділений, а дітей ест больше.

Для тых всіх мусит найти ся якыйси заробок в місті, бо село не потрафит выкормити таку масу безработных. Тоты всі достанут сплату с грунту и с тьма грошами повинни виробити собі якыйси способ до житя в місті. Але жебы в місті заробити на жите, треба передовсем знати якыйси фах, бо без фаху трудно ест найти роботу, а кромі того мусит ся розбудовати промысл по містах.

Покля нїт фабрык и нїт фахового работника, так долго не можна думати о переселеню людей с села до міста.

Штобы вышколити фахового работника, треба сотворити найріжнороднійши фаховы школы, котрых у нас все ище бракуе, а штобы оживити краевый промысл, треба в першой мірі сказати собі, же купуеме всі лем краевы товары.

Аж втотчас, коли наступит спрос за работником, и коли тот работник без трудности найде роботу, можна выдати закон, же не можна сельских грунтов ділити. Але тепер выдане такого закона спричинило бы невдоволене и нужду не лем всіх тых, котры не достали бы грунту, але и тых, котрым припал бы грунт, бо не мали бы чим сплатити родини.

Куплю иллюстроване Жите Святых, составлене о. Ант. Добрянским и велику библию, составлену о. Мащакон.

В справі дерева с камеральных лісов.

Оден с наших читателі прислал до редакції писмо, в котром жалуся на трудности в одержаню дерева на опал и высокой ціні дерева в камеральных лісах.

Много бесідовало ся о том, же дерево опалове и материялове подешевіє. Тымчасом всьо иде по старому; дерево вмісто подешевіти, подорожіло в камеральных лісах.

При продажі опалового дерева ест много трудностей. Перерубку лісов робит ся не на весну (але в осени, и продає ся людям лежанину свіжу и сурову. В лісах сут цілы купы опалового дерева, але хлоп не може их купити, бо:

1) дерево ест для него за дороге (8,50 зл. за 1 м³), и

2) дерево тото продає ся звычайно гуртом, через што доходит до той ціны ище кошт посередника.

Прото тыз треба конче обнижити ціну дерева опалового в камеральных лісах, бо там дерево лежит часто и по 2 рокы, а хлоп мерзне в неопаленой хыжі.

Зрештом наш хлоп глядат в лісі одынокого жерела заробку. Треба отже так скалькульовати ціну, штобы хлоп, закупуючи дерево на опал в камеральных лісах, мог и сам дашто заробити за привоз дерева и за свою роботу.

Также важне для хлопа ест позволене збераня постеліня под статок в камеральных лісах. В том році ест мало паши и о том, штобы стелити солому под статок и думати не можна. Хлопскы лісы уж вырубаны и там ніт по што ити. А через очищенє лісов со смітя охоронит ся лісы перед огнем.

—ооо—

митета, и найвышого музулманского духовного (великого муфти).

В цілом краю вскріплено войсковы и полицейны патрулі. Арабы до того часу не подняли против тым зарядженням ниякой организованой акции. Лем гдєкотры позамыкали склены на знак протесту. Агитаторы наклику-

Война на Далеком Выході.

Война японско-кытайска ест ведена с незвычайном завзятком. Японскы войска посувають ся поволи наперед, встрічаючи всяди барз сильный спротив войск кытайскых.

Перевагу дають Японии самолеты, котры нищат кытайскы міста и войсковы центры. От пару дней идут страшны бои под Шанхаем, котры корреспонденты газет зачисляють до найзавзятійших от часу выбуху войны кытайско-японской.

Выцофанє чужих войск с Испани.

Своего часу повстал Комитет Неинтервенции (немішаня ся) зложеный с представителей многих держав. Задача того комитета была не допустити до мішаня ся чужих держав во внутренны справы испанскы. Результат старань того комитета ест наглядный: число чужих войск в Испании росне с каждым днем. Ест тото опасне для світового мира, бо война ведена в Испании через охотников, высланных через поодынокы державы, може ся переродити на войну меже тума державами.

В виду неудачи того комитета Англия и Франция — сами подняли стараня для выцофаня тых т. зв. охотников чужих держав с Испании. Италия, котра выслала до Испании десятки тысяч войска годит ся приступити до переговоров в справі выцофаня войск, але жадає, штобы Англия и Франция признали ген. Франко за сторону воюючу, а не за бунтовчика. Англия и Франция выслали в той справі ноту (писмо) до Италии.

Безпокойства во французском Марокко.

В Маракешу, столиці полудн. Марокко (в Африці) находячого ся в руках Франции пришло до бурливого безпокойства на почві пануючого там голоду.

Толпа, зложена с пару тысяч арабов собралась перед домом полиции и заряду міста, взносячи вражи оклики против Франции. Коли полиция арестовала проводыров араб-

ских, толпа ударила на полицию, и аж войско положило конец борбі. Ест много убитых и раненых.

Рішительность Англии в Палестыні.

Палестына была отдавна тереном непрерывных борб меже арабами и жидами. Высуненый в послідных часах проект Англии, штобы поділити Палестыну на часть арабску и жидовску, не положил конца тым борбам.

Арабы, недовольны тым проектом, выступали против Англии и посунули ся до террору (убийство англицкого комисара и т. д.).

Наконец перебралась мірка терпеливости Англии и она прибегла к острым средствам. Арестовано членов начальнаго арабского ко-

Гитлер жадає колыонии.

В полудневой Баварии обходят торжественно каждого року одомаш по зерняных работах. В том році на том одомаші собралось перешло миллион хлопов.

На одомаш приехал также Гитлер, котрый выголосил до собраной толпы годинну промову, в котрой подчеркнул обовязки граждан німецкых и зажадал колыонии.

Як поступала рольна реформа в Совітах.

(Перевод с газеты „Весь Польска”).

(Продолженє).

С попередного артыкула читателі знають, же совітске правительство ест наибольшим и одынокым в своей державі двором, котрый має кромі незміримых пространств лісовых также величезны пространства орной землі, выдерты хлопам по революции.

Пространства тоты обрабат нанятый работник, котрого правительство выкористує в немилосердный способ. Жите тых людей ест бодай же найтяжше и найбіднійше с помеже всіх верств худобного населеня совітского. Розуміє ся не входят в тото число тоты, котры тепер рядят в России.

В недавных ище часах всі правительства мали великы пространства землі. Походило тото ище с тых часов, коли земля належала до королей и князей, а также до церквей и великих панов. Але в міру поступа часу правительства вызбывали ся грунтов в користь хлопа. Собі оставили лем великы лісы. Зроблено тото также и прото, бо управа землі не дає великого доходу. Тому то великы дворскы посілости улягали постепенной, але непрерывной

парцеляции. Можна сміло сказати, же ніт такой силы, котра бы потрафила удержати прижито великы рольны маєткы. В том процесі на перший огонь ишли все маєткы державны, яко найменьше рентовны.

Тымчасом совітске правительство, котре по цілом світі кричит о счастью и добробыгі своих граждан, выдерат хлопам перешло 80 миллионов гектаров землі и творит маєткы державны. На том пространстві ест што найменьше 30 миллионов гектаров землі орной.

Правительство забрало землю наилучшу, осередкы давных приватных дворов. Зломил при том приреченє, дане хлопам в часі революции, коли ходило ему о тото, штобы хлопы поддержали революцию.

На выдертых хлопам наилучших землях правительство утворило перешло 4 тысячи державных дворов, котры в р. 1935 мали 16 миллионов гектаров засіяного грунту. До управы той землі уживат ся работников сталых, часовых и сезонных, як в каждом господарстві приватном.

На каждых 6-ох работников сталых припадат оден управитель, в виду чого работники не могут нарикати на брак присмотра, маюť его доволі. Каждый семей, то уж начальник — то уж власть. Часто тоты начальники не маюť понятия о сельском господарстві.

Управителем одного державного маєтку под Москвом был музык, котрый грал на виолинчелі. Яко большевик, достал приділ до сельского господарства и нищил через 2 рокы маєток о пространстві 1.300 гектаров. Таких „сельских господарей” было много.

Здавало бы ся, же коллективны господарства сут независимы от господарств державных. Тымчасом так не ест. „Колхозы” маюť обовязок помагати державным господарствам (совхозам) и то втотчас, коли на каждом господарстві ест найвеще работы, отже в часі полота, зерняных работ и т. д. Втотчас то „колхозники” мусят пмарити свою работу и ити робити на державны господарства.

Всьо тото робит ся там так, як в часах панцизняных, в часах прикріплення до землі. Хлоп мусит передом зробити работу на державных господарствах и так аж може робити у себе. Як за часов панцизняных, так и тепер на

Не занедбујме передзимушної оркы.

Практика выказала, же родит ся значно ліпше на поли переораном в осени под ярны засівы. Ест то совсем зрозуміле, як возме ся под розвагу, же рослины до своего розвою потребуют кромі навозов также много воды.

Переоране в осени поле всякат в себе в зимі и в часі весняных ростопов много воды, котра ест конечно потребна до розвою рослин. Вода тота остае долгий час в землі, бо на весну не гребеме в землі, а лем сіеме и борониме.

При занедбаню передзимушної оркы и ораню поля на весну тратиме дуже воды, бо:

1) вода не всякат так добре до стерни, а бо до тлока як до оранины, и

2) на весну при выораню скыб, земля осушат ся скорше.

Бракуе отже скоро рослинам воды, што дае ся отчути особенно некористно, если по весні приходит посуха, як то было того року.

Ест ище и друга причина, для котрой лучше ест орати поля в осени для весняных засівов. Коли земля насыкне водом и замерзне, то лед роздроблят вшиткы груды и на яр земля стае ся розсыписта и выдобрена. Зробил тот мороз значно лучше, як человек хоц бы не знати якыма знаядами. Тот розбите скыб и груд ест конечно потребне, особенно на грунтах тяжкых, иловых, глиняных и липоватых.

Орати треба в широки склады, бо втотчас ест меньше борозд и работа иде скорше. Если однак поле ест мокре и не дренаване, то повинно ся орати в узкы загоны, штобы на весну вода могла скоро сплынути бороздами.

Если ніт часу переорати всьо поле, то можна поминути легкы картофлиски, где земля ест и так роздроблена. Там выстарчит на весну засіяти зерно и заскородити.

Орати перед зимом належит возможно скоро, штобы скыбы росторгати и насторопити, бо втотчас мороз лучше порозбиват груды.

Если оране поле не буде навожене гноем, треба орати на глубину урожайной верствы, але не глубше, бо идеякы яры зерна, особенно

ячень, сут барз вражливы на свіжо выорану землю и могут цілковито хыбнути, если верства выораной мертвой землі буде за груба.

Не лучити передзимушної оркы с приорянем гною. Передзимушна орка повинна быти глубока, як лем верства урожайной землі на того позволит, а гной треба прикрывати барз плитко.

На грунтах легкых, пісковых, можна прикрывати навоз передзимушном орком, бо ест то грунт продувний и навоз мае загварантованный доступ повітря аж и втотчас, коли прикрыве ся его глубше.

Але на грунтах тяжкых, глиняных и липоватых, гной прикрывати грубом верством глины не буде ся роскладати належито. Прото оборник на таких грунтах прикладаме земльом плитко, а передзимушну орку переведем глубоко — отдільно.

Як с того видно, передзимушної оркы не можна занедбати, бо дае нам она гваранцию лучших урожаяв. Селянин, котрый занедбуе передзимушну орку, робит сам на свою шкоду и кривдит свою родину.

Опасане гусей.

Опасане гусей отбиват ся звичайно в осени и треват пару неділь. В том часі може прибыти гуси на вазі около 2½ кг. Ціна гусей опасеных ест значно вышша, прото тыж работа при том ся оплачат.

Опасане гусей можна бы было поділити на два периоды: перший приготительный, коли гуси мусят привыкнути жерти веце и другой, форсовный, тревающий около 2-ох неділь, коли кормит ся их барз интенсивно.

В першом периоді мусиме росопхати гусям жолудок. Втотчас даеме им половину, грүлі, буракы с домішком 5—6 дека отруб ячменных. Мішанку такую даеме гусям 3 раз денно, але так дуже, же бы мало што жерти через

яке пол години. Пак замыкаме их в клітці, где ідыт часто и охотно, як мают свіжу воду до попиваня и кус шутру, або толченой цеглы, потребной до претераня корму.

В том часі даеме гусям мішанку, зложеноу с 2-ох частей кукурудзы, 1 части гречкы и 1 части овса. Одночасно можна гусям давати той мішанкы кус клюсок (бобальков) с муки овсяной, кукурудзаной або ячменной.

Напыхане гусей бобальками ест хлопотливе и мучаче для гусей, бо бобалькы, мачаны в молоці треба впыхати гусям до горла и натерати горло, штобы гусь ся не задавила. Бобалькы, величины малого пальца даеме, увеличаючи каждого дня порцію и так: першого дня даеме по 2 рано и вечером, другого — по 3, третьего — по 4 и так можеме дойти аж до 30 бобальков денно.

Опасане однак без бобальков дае нич не планши результаты, а хлопоту ест меньше. Зрештом до мішанкы можна додавати маленькы бобалькы, котры гуси охотно консумуют.

Пожичкы на родинны сплаты будут доступнійши, як до того часу.

Долготерминны пожичкы на родинны сплаты мают на цілі не допустити до надмірного роздробленя грунтов и сельскых господарств. Запроваджено тоты пожичкы на початку 1936-го року.

Пожичкы тоты дае на пространстві цілой Річипосполитой Державный Банк Рольный на условиях льготных. Пожичат господарам, сплачающим родину гроши на 10, 15, 20 або 25 літ. Отсоткы выносят лем 1% от ста рочно, а разом с коштами 1½%. Найменьша пожичка выносит 1.000 зл.

Але користане с тых пожичок утрудняют господарам ріжны оплаты нотарияльны и иши, а также правны приписы. Тому Банк Рольный приготвил тепер новы основы поступаня при тых пожичках. Оплата мают быти значно низши и заинтабульоване простійше и дешевше.

„совхозах” ест мусова работа. Тяжкы кары падают на опорных.

За неявлене ся до работы на „совхозах” може „совхоз” потягнути хлопа до ответственности цивильной, але там никто не бавит ся в такы вымыслы. Власти административны и партийны мают иши способы переломити опор и примусити хлопа до послуху.

В Совітах знае каждый, же там не трудно зробити с человека шкодника и саботажиста и яко такого, высадити с коллектива, отобразити му всі средства до житя и выслати на мусовы работы. Зрештом не велика штука засудити там и на кару смерти. До тепер на терені Совітов западают каждого дня вырокы смерти на Богу духа винных людей. Отвѣчают они за преступления и недостатки, выплываючи с совітской системы, а не с их злой волі.

За мусову работу в державных господарствах достают хлопы марну заплату, не перевысшаючи ціны 2 кг. чорного хліба денно. Держава платит марно также и стальым работникам. Середный заробок работника не перевышат 100 рублей місячно. Ведля тамтепных цін, може работник купити за тых 100 рублей 100 кг. чорного хліба.

Мог купити в 1935 р. 4 кг. масла, котре

втотчас коштвало по 25 рубл. за 1 кг. Мог купити 10 кг. мяса, котре коштвало и тепер коштуе по 10 рубл. за 1 кг., мог купити 5 кг. солонины по 20 рубл. за 1 кг., або 4 марны кошелі по 25 рубл. за штуку, але не мог купити уж ани одной скорні, бо пара скорень коштвала 250 рублей.

Тых пару информации выстарчит цілковито, штобы соринтовати ся, як марно платят в „совхозах” за работу. Треба памятати о том, же работник на „совхозах” не достает удержаня, ани ордынарии и мусит собі всьо купити за тоты марны гроши, котры достает нераз с многомісячным опозданем. Прото тыж мусит робити на „совхозах” ціла родина, бо иначе бы не выжила. Правительство выкористуе одынаково старых и нелітних работников.

Существоване державных дворов в Совітах може было бы меньше шкодливе и оперте на сильнійших основах, если бы на выдертом хлопам грунті власти державны потрафили уміло господарити и осягати добры результаты. В дійности повинни „совхозы” мати значно лучшие результаты, як хлопы на своих полях, бо державны господарства сут с регулы положены на лучших грунтах, мают лучшие роль-

ничі машины, мают мати до волі штучных навозов и добре насіне.

Але помимо того так не ест, бо державны господарства опоздняют ся с обробленем землі, всякы господарскы работы робит ся поздно, начальники не дбают о „совхозы” и окрадают их и в результаті „совхозы” дают значно планши результаты як занедбаны навіт коллективы хлопскы.

На примір в р. 1935 „совхозы” дали пересічно 4—5 метров зерна с одного гектара. Же ест того крайна нужда, не треба доказов; „совхозы” не дают доходов, а противно, сут дефицитовы, т. зн. мают великы недоборы. О том знають всі в Росии и сам Сталин сказал недавно, же господарка на державных грунтах ест планна и не може удержати ся без поддержки со стороны державы.

Помимо того большевицке правительство, голосючи о счастье своих граждан, держит ся землі, образуочи на ней кадры сельскых господарей. Мае оно в виду дальши досвіды в области сельского господарства, котры зводят ся до уярмленя всіх селян в державных маетках. Свободны своего часу селяне будут всі дворскыма форналями.

Што чути в світі и в краю

Кырвава битка на улицах Лондона. На улицах столицы Англии дошло до кырвавых розрухов меже комунистами, фашистами и полициом. Англицкы фашисты урядили дорочный марш. Коли поход нашол ся в жидовском кварталі, посыпали ся на них камені и стрілы. Вмшательство полициии не успокоило толпы и полиция натерла на толпу. В результаті убито парудесятеро люда, а килькадесятеро ест тяжко раненых.

Страшна злива в Бразылии. С полудневой Бразылии надходят страшны вiсти о величезных зливах. В результаті долготривалых дождей выляли рікы и затопили цілый ряд місцевостей с домами и инвентарем. Згинуло в воді парусот людей.

Кромі того в цілої Бразылии оголошено военне положене в звязи с выкрытем комунистичного заговора против правительству. В многих місцевостях дошло до розрухов.

Безпокойство в Индиях. В полночно-западных Индиях (Азия) дошло до кырвавых борб меже войсками англицко-индийскыма и племенами, подбунтованыма через одного с проводыров национального руху индийского. В результаті борб упало 300 убитых и 600 раненых.

Успокоили их машинныма карабинами. В Гунтевил в Злуч. Держ. Ам. Полн. выдостало ся с криминала на свободу двох преступников, котры обезоружили стражников и освободили 21 опасных преступников. В результаті пришло до кырвавой борб меже стражниками и арестантами. Бунтовщиком усмирил аж огонь машинных карабинов и слезны бомбы.

Украли перстень Папі Римскому. Амерыканскы газеты доносят, же в палаті Святійшого Отца в Римі украли злодіи славный палский перстень, званный „печать Рыбака”, котрый служил до печатаня урядовых листов. В перстеню том ест оправленный дорогой камень, на котром ест вырыта постать Св. Петра с рыбацкыма сітями.

Дальши розстрілы в Совітах. Недалеко Иркутка в Росии Совітской мала місце страшна желізнодорожна катастрофа, в котрой 14-еро люда было убитых, 30-еро тяжко раненых и 70-еро легко раненых.

В звязи с тым арестовано много желізнодорожников, против котрым в послідных часах выступат остро совітске правительство. В двох тыжднях розстріляно 231 желізнодорожник и парусот хлопов, котры спалили зерно, находяче ся в стыртах.

Автобус на дні рікы. Недалеко місцевости Сальо в полудневой Финляндии сточил ся до рікы автобус, в котром іхало парунадцетеро людей. Серед неописаных криков росограла ся на дні рікы страшна борба о жите. Семеро людей утопило ся, двоє ест тяжко раненых.

Процес комунистичный в Латвии. В Рыгі в Латвии роспочал ся великий процес комунистичный против 33-ом членам тайной диверсійной организации, котра за совітскы гроши вела подпольну роботу противдержавну. С акту оскарження видно, што Совіты робили все, штобы выкликати комунистичный переворот в Финляндии.

Страшна буря в повіті самборском. Над повітом самборским перешла страшна буря, котра поробила много шкоды. О силі вітру свідчат повывертаны дерева и позрваны дахы. Люде, котры робили в поли при копаню картофлей были в многих случаях покалічены. Вітер метал нима як мячом.

Полярна заря над Польщом. В часі долгой, бо пол року тривалоючой почи над бітуном полночным світит там т. зв. „заря полярна”. Ест то явлене, котре полягат на том, же на небозводі появляются світляны столбы, мінячи ся ріжныма барвами и выглядуючи совсем як луна пожару.

Явлене таке появило ся в том році в Польщі, а именно на Виленщині и над морем. Явлене тото тривало при сильном насилію перешло 1 годину.

Число людей покусаных в том році через збішены псы. Державне Заведене Гигиены (здравя) занотовало в том році 4.497 случаев покусаня людей через збішены псы и други звірята. В виду не подданя ся охоронным щеплениям, або опозднення курации, умерло в минувшом році от укушения 41 людей.

Два поїзды вылетіли в воздух. На линии транссыбирской коло стации Котельнези мала місце страшна желізнодорожна катастрофа. Поїзд особовой, переполненный людьми наїхал на поїзд, везучий амуницию на Далекый Восток.

Вагоны, наладованы выбуховыма материялами експльодовали и высадили в воздух 5 вагонов особового поїзда.

На місце катастрофы прибыло войско, але работа над очищенем тору ест трудна, бо заходит опасность новых выбухов.

Дотля выдобыто 58 трупов. Раненых ест 103.

Генерал Миллер в Москві? Ведля сенсацийных вiстей с Москвы, ген. Миллер, о котрого порваню доносили мы в попередном числі, был перевезенный через большевиков на кораблі „Мария Уляянова” до Ленинграда, а оттамал до Москвы, где поміщено его в вязниці на Лубянци.

Ген. Миллер мал мати в часі подорожи пару атакос сердца и стан его здравя ест планый. При переслуханю ген. Миллер не мог отвічати на пытаня.

Инши поголоскы сут того рода, же ген. Миллера сконфронтовано в Москві с ген. Кутеповым, при чом не обышло ся без драматичных моментов. Ген. Кутепов має быти сильно хворый на ключи.

Тымчасом полиция французска с трудом здобыват информации, што стало ся с ген. Миллером. Ведля тых информации до Гавр, где стоял корабель „Мария Уляянова”, приїхало совітске авто, котре надало на корабель скриню. Корабель отобрал скриню и зараз отїхал. Возможно отже, же в скрині той было або тіло ген. Миллера, або он сам ище живый.

Третий раз заквитла груша. У одного садовника заквитла в том році по раз третий груша. Перший раз дерево заквитло на весну, другой раз в серпні, а третий раз тепер.

Противжидовскы эксцесы во Відні. Загальнолюблений и популярный віденский актер Едтофер был побитый через народовых социялистов, котры приняли его за жида.

В послідных часах множат ся в Відні эксцесы противжидовскы. Значити треба, же полиция позволила знова носити отзнакы союза противсемицкого, котрый розвиват тепер живу діяльність и уряджат собраня под кличем борб с жидами.

Выповідал ся и повісил ся в стайні. 62-літний Осиф Федоров, господар с Рузвян в пов. жидачевском повісил ся в стайні. Передом выповідал ся. Причином самоубийства была тяжка хворота дыхавицы и ревматизму.

Амерыка вооружат ся. Амерыка высыгновала новы два миллиарды долларов на довооружене на морі и в воздуху. Таким способом Амерыка хоче дати почувствовати агресивным державам, же в случаю войны, она прийме также участь в той войні и же побіда не буде занадто легка.

Италия мобилизує ся. Газеты віденскы доносят с Риму, же в Италии заряджено мобилизацию рочников 1909 и 1910, а также робит ся приготвления для мобилизации рочников 1908, 1907 и 1906.

Причина той мобилизации незнана. По слухам часть змобилизованных войск выслано уж в ріжны місцевости и так: 40 тысяч — до Сыцылии, 35 тысяч — до Калабрии, а 20 тысяч має в найблизших днях выїхати до Ливии и Триполитании.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО.

НЕХАЙ ЯКНАЙСКОРШЕ

за асекурує ся
в асекураційном Товаристві
ВИТА И КРАКОВСКЕ
во ЛЬВОВІ

Асекурацию принимают на цілої Лемковщині
представителі: гг. Осиф Ямовицкий — Крыница - Село
и Михаил Перелом — Сянок.